

Graduan kurang kemahiran insaniah gagal dapat kerja

Serdang: “Peningkatan graduan menganggur hari ini berpunca daripada kurangnya kemahiran insaniah dan pengalaman bekerja sebagaimana dituntut kebanyakan majikan,” kata Pengerusi Eksekutif Puncak Niaga Holdings Berhad (PNHD) Tan Sri Rozali Ismail.

Menurut beliau, kadar pengangguran bertambah teruk apabila jumlah graduan kini melebihi bilangan kekosongan pekerjaan ditawarkan.

“Kita boleh lihat ribuan graduan universiti menamatkan pengajian mereka di dalam dan luar negara

setiap tahun.

“Namun, kelemahan dalam menguasai kemahiran insaniah menyebabkan majikan sukar mencari tenaga kerja sesuai dengan kehendak mereka,” katanya dalam ucapan dibacakan Pengerah Urusan PNHD, Datuk Syed Hisham Syed Wazir sempena Karnival Fakulti Kejuruteraan 2016 di Universiti Putra Malaysia (UPM), di sini, semalam.

Jelas Rozali, kebimbangan utama majikan hari ini adalah mencari bakat berkelayakan bagi mengisi jawatan mahir yang bukan saja hebat dari segi akademik, tetapi

mampu menyandang tugas tanpa latihan tambahan.

“Selain itu, kita juga mencari bakat yang memiliki pakej kemahiran bersesuaian jawatan bagi mengisi jurang antara kedua-duanya,” katanya.

Begitupun, katanya, kemahiran insaniah bukan sesuatu yang boleh diajar menerusi pengamatan semata-mata, tetapi perlu diasah melalui penyertaan individu itu dalam mencari pengalaman bekerja.

“Hari ini, kerajaan menerusi pelbagai inisiatif terus memberi penekanan dalam isu pengangguran graduan



SYED Hisham (dua dari kanan) menyampaikan trofi pemenang keseluruhan Piala Pusingan Piala Tan Sri Rozali kepada Ahmad Faez Wandi Sallem pada program ceramah ‘Antara Ekspektasi Graduan dan Realiti Pekerjaan’ anjuran Persatuan Mahasiswa Kejuruteraan (PEMAJU), UPM, semalam.

dengan menggalakkan penambahan dalam pembelajaran.

“Banyak program ditawarkan Kementerian Pen-

didikan Tinggi untuk memberi kesedaran dan pendedahan serta meningkatkan kebolehpasaran kerja graduan.

“Ia meliputi kemahiran insaniah diperlukan dalam industri bagi memenuhi permintaan dalam sektor pekerjaan,” katanya.